

*11-istancaibel doter Tite Corgnol (providença de Biblioteche Ladine Negj
nâl) de l'edizôr anajis personal.*

N. 17

Presit cun táule dople di stemis fr. 0.80

15 Setembar 1932 - X

ARCHIVI DE LETERATURE FURLANE

ANTIGHE E MODERNE



CHESTE DISPENSE 'E CONTÈN

Udin, liende scrite da Toni Barbacèit	pag. 82
Ricúpero dai Furláns	" 84
Stemis di fameis nòbilis furlanis, cun táule dople (pag. 164 - 165)	" 87

Abonamént a dîs dispensis da-l-Archivi fr. 12.50 (anticipâç) par l'Interno e 15 par l'Esterio
Udin, Plaçe Vitòrio Em. 9 A, 2nd plan — Cont Corint Postâl 8-69

UDIN

lò nò sai s'a' si è ciatât las radis di chest non: hai motiv di crodi ch'a' nò setin ciatades e, s'a' son ciatades, ch'a' si crodi di veles ciatades, ma ch'a' nò setin propit chês veres. Mè vave, con ch'i' eri frut 'a mi contave une storiute ch'i' crout ch'a' seti plui viçine da veretât - e 'us 'e voi contâ a la buine, come ch'a' si ingegnave a contâ-le iei.

In-t-ai tims antighs antighs, quán' cu San Pieri e il Signôr a' lavin in zîr pa-l Friûl, Udin al veve inciemò da nasci. A-d-ulâ ch'al-è Udin al-ere un biât paisût, in miêç a une planure tant ch'a' si podeve tirâ i vôi: ârbui, sterps, barâç, piôures e ciâres. In chê volte, grande 'a ere Aquilee, ma il Signôr ch'al saveve il so dâr destîn al preferive di stâ in chest paisût a-d-ulâ che dug a' j vignivin a sinti la so sante perâule, sù da's Basses e iû dai monts, fasint dîs e dîs di trois. Trosc ch'a' nò iû savevin ben, a' si pierdevin e di lôr nò si saveve mai âti nue. Plui di une volte il Signôr al-hâ concedût la grâcie, plui di une volte e plui di lôr, pierdûts di strade poderin rivâ al lôr iúst destîn par un meracul dal Signôr. Ma il Signôr al volè che i oms a' j imparassin cu-las lôr mans e cu-l inzegn a ciatâ-si fûr simpri la strade vere. E cussî al prediciave a chêi conta-dîns di meti adûn in chê planure tante tciere da fâ une pîçule mont ch'a' si vess podût viòdi-le da lontân e ciatâ-si fûr.

Chê int plene di fede a' scomençâ: Il volei dal Signôr un pôch a-la volte al vignive conossût simpri plui lontân e dug a' j portavin il lôr zei di tciere - dug a' j udavin - e si disevin fra di lôr "udin", e rivarin al pont che il Signôr al vûl. Udin - udin - e dug a' j udavin. Se a chêi ch'a' j lavin pa'l lôr troi cu-l lôr zeût di tciere clamâts dal Signôr, si

vèss domandât a-d-ulâ ch'a' lavin, a' j varéssin certamenti rispundût "Udin". A' j udave, a' j udave la grande imprese e éncie il lôr viâç al-ere par udâ. Chêi ch'a' j vedevin dute chê int a lâ cu-l zei a' j si domandavin: Ma a-du-lâ van-o? e qualchedûn al spiegâve: A' udin. Cussî udin - di cá, udin - di lá - fin ch'a' lá par Udin. E cussî a' fo che cun "udin", perâule di ogni bôcie, cu-l volei dal Signôr e cu-i sudôrs, cu-i sacrificis, cu-la fede di tante biade int d'in chê volte, ch'a' vegni sù la culinute ch'a' si viout lontân lontân e ch'a' doveve servi di direçion ai passegîrs, di lûgh di veneraçion di Diu ch'al-l'hâ vulude, e plui tard par concludi afârs, par conòsci-si, par dâ-sci la man e par iudâ-sci in dut chel che Diu al comandave e al comande.

E cussî al-è nassût il vèr Friûl di cumò e Udin al-è restât simpri Udin - ch'a' vûl di udin dug d'acordo e las grandes e bieles rôubes a'-s varân il consêns di Diu e éncie dai oms.

Paluce 5 Decembar 1931.

TONI BARBACËT

Ricúpero dai Furláns

Chest articul 'l-è stât sugerît da leture di un libri di Don L. Ridolfi che l'esêrcite la cure d'ánimis su-la moto-nâv "Vulcania", che fâs la traviarsade da l'Atlantich. Durânt lis fermadis ne-i Stâç Unîç il zelânt capelân al va visitând 'te-s citâç e 'ta-i pais di chê grande Confederaçion lis fameis di Furláns isoladis o agrupadis in associaçions e ur parte il salût de pîçule Pátrie.

Il librut al-è intitolât "I Friulani nell'America del Nord", al-è ilustrât cun viodudis e grupos di emigrânc, 'l-è scrit in forme sempliç e al si fâs lèi vultîr.



'E ha contribuît al stess scopo la conferençe su-l teme dai emigrânç tignude al'Universitât populâr Catòliche di Udin il 5 di Març di chest an dal D.^r Vico Zanin che 'l-ha fevelât cun perfete competençe essind stât lui stess emigrânt. Peciât nome che chê conferençe nò sei stade stampade. Sperin che sei mitude in teste dal-**Anuari dei Emigrânç dal Friûl**, sei all'Interno che all'Eestero che si áugure che al vegni stampât de Istituçiòn che si propòn sul sèrio di tigni unîç almanco moralmentri a la píçule Pátrie i siei fiis sparniçâç pa-l mond e di ricuperâ chêi che lassin dismentean-si di 'vê sepulîç in cheste tiare i lôr genitôrs, e i lôr vons o i lôr parinç.

Nel libri dal Ridolfi son nomenadis une vore di fameis furlanis cu-l país dulá che si ciatin, la ativitât che esêrcitin e il común di proveniënçe.

Da une statistiche fate dal Clero de Diòcesi di Udin si rigiave che nel 1931 ju emigrânç jerin 12.345, il quâl numar al sarèss certamentri triplicât se si azon-zessin lis Diòcesis di Guriçe e di Con-cuárdie e tant plui se si comprendessin duc i Ladíns.

Parcè che l'Anuari al presentáss il valôr di un document precis bisugnarèss che al foss compilât secont chest criteri o un criteri análogo: Al dovarèss contigni un elenco alfabetich di duc i emigrânç indicând, se pussibil, etât, mistîr, lugh dulá che si ciatin cu-l precis indirîç, común e fraçion di orîgine in Friûl. Pa-i fruç che son ancimò a scuele indicâ cun plui brevità il non, se son iscriç in scuclis mèdiis o superiôrs e il genar di studis che intindin di fâ. Si po', olind, distîngui cun-t-ûn segno ju emigrânç

permanènc da chêi che fasin nome la stagion fûr de Pátrie. 'Ta-l stess elenco si puedin inserî ance chêi che dal cognòn, rigiavât da qualchi guide comerciâl o elenco di abonâç al telêfono, si supòn che sedin originariamentri furláns o ladíns, magari emigrâç da plui generaçions e oremai squasi - squasi piardûç pe' píçule Pátrie, su-i quai qualchi indagatôr al podará istitui ricercis particolârs par procurâ di tornâ a tirâ-ju a la Pátrie di orîgine. Si tratarèss adúncie di ricuperâ áncie chêi che si ciatin lontáns da plui di une generaçion, e che van dismentean-si de lenghe, nei quâi i ricuárç dal Friûl si scancelin. Ogni non al dovarèss sei procedût da un numar progressív.

Un secont elenco al dovarèss comprendi duc i país di origine seguîç dai numars di duc chêi che 'a provegnin; un tiârç elenco duc i país di emigraçion cu-i numars relatîvs, e un quârt duc i mistîrs cui rispetîvs numars. Quan' che nò si trate di professionis-c o di operajos specializâç, chest elenco al pò sei abre-viât, essind inutil meti mîârs di fornâsirs o di muradôrs, e invece util indicâ i pòs mièdis, impreitôrs, pitôrs, mosaicis-c ecèt.

Il prin anuari al sarâ naturalmentri incomplèt e imperfèt ma po', si varán chêi simpri plui ben faç zachè di an in an si larán fasind coreçions e mejoramenç cu-la colaboraçion dal publich.

No ocôr nance dî-lu che par redizi cheste òpare periòdiche j ûl almanco une persone stipendiade, e bisugne che il numar des còpiis vindudis e' bastin a cuviarsi lis spesis. Nò si pò pretindi che i emigrânç isolâç e' comprin il volúm, ma ben che s'al proiodi ogni associaçion, ogni agrupamènt di chêi che son pa-l mond, e ogni Común, dite importánt, istituçion

de Pátrie. Parcè che nò-l sei tant arid, di ridúsi-si a un sempliç elenco, al pò 'vê dutis lis informaçions, datos statistichs, conseis che si riferiscin a l'emigraçion e 'vê áncie composiçions leteráriis che 'a rindin l'òpare interessánt pe' culture dal popul.

Un elenco nominativ complèt di 30.000 personis nò-l pò ocupâ manco di 300 - 400 páginis, quindi un'òpare discretamenti costose. Ma quàn' che si pense a la utilitàt prátiche pa-l comèrcio e pe's indústriis di un tâl elenco e a la durade dal stess (zachè al devi servi fin che si stampará une ediçion gnove) e si considare la nissune importançe che han lis notiçiis che si stampin su-i quotidiáns, e la durade dei stess che dopo 24 oris son dal dut sençe nissún valôr, si dovarèss concludi che par un'òpare di chest genar si scugne ciatâ un numar suficiènt di sotoscritòrs che permetin di publicâ-le e di compensâ lis spesis non solamentri di stampe, ma áncie di redaçion.

Inutil avertí che la lenghe in cui chest repertori al dovarèss sei compilât nò pò sei che la furlane. Se si intindèss di doprà qualúnque altre lenghe al sarèss l'istèss che neâ la resòn di fâ chest elenco e quindi miôr fâ nuje dal dut, e lassâ che i compatriòç si piardin dal dut.

I Slovèns, cun grande ilaritàt dai Triestíns, e' publicavin une vore di ains in daûr un periòdich intitulât "**La pensee slave**„. Si diseve, ciolin-ju vie, che par capì-si e fâ-si capì scugnivin doprà une lenghe foreste. Varèssin-o forsi dovût scrivi par todèsch par fâ-si capì a Viene da cui che nò-l varèss mai ulûd intindi lis lôr resòns? 'L-è vignût il momènt, quàn' che si son segnâç i confins de Jugoslâvie,


in cui il 'vê dopràt la lenghe de diplomacie ur ha zovât, e plui di un pòch.

Nò-altris Furláns din adúncie la prove che sin bòins di scrivi e di doprà la nestre lenghe par scopo pratici e nò dome par componimènc poetichs. Chest Anuari 'l-ha di servi specialmentri a nò-altris stess par colegâ mediánt il leám de lenghe i nestris compatriòç sparniçâç pa-l mond, e mostrâ che culí si pense un tantin áncie a lôr.

Par incoragiâ a comprâ-lu bisugnarèss azonzi alch che al servi di letúre istrutive e divertènt, e che al gambii in ogni ediçion. Nò si ha di dismenteâ che il **Stroligh de Filològiche** si pò lêi-lu in un pâr di oris, nel mentri che in un an e son 8760 oris. Bisugnarèss, par coltivâ il spirit, 'vê matèrie par lêi da une a dôs oris in dí, e nò si podará lafè sustigni che i giornâi, che ripuartin notiçiis inconcludènc, avenimènc o miôr petèç dai píçui país, costituiscin une matèrie interessánt, educative e istrutive. Ben plui istrutívs son i Calendaris dai Ladíns Grisóns, al-jere chel dai Ladíns Atesíns e a' son chèi dai Slovèns, sençe contâ il bisetimanâl **Fögl d'Engiadine**, e altris periodichs análogos di chê contrade segregade in mièç de's montagnis.

Al fâs plasè sintí che il Fascismo al va ricuperánd 'taliáns che i passâç guviârs strafotènc lassavin abandonâç a sè stess. Nò-altris scugnín fâ altretânt e cu-l plui grand impegno. Imparín áncie dai Ladíns de Engiadine i quâi nò bandonin mai dal dut la lôr Pátrie dulá che passin almanco o la zoventût o la veciae.

Si podarèss-jal 'vê pe' Filològiche une imprese plui degne di cheste?





CECÓN



D'ADDA



FLÓRIO



FRANZÒN



PELCHE



RUBIS

ARÍNT o BLANCH



BLU



VERD



AUR o ZÂL



ROSS



NERI





SBRUJ



SIMONÈT



TRENT



VOLVESÓN




VARMI ZOT-PERS



ZAMAGNE

ARCHIVI DE LETERATURE FURLANE



Stemis de's fameis nòbilis dal Friùl

Sot lis vòs blasòn, nobiltât, aráldiche, stemis, da qualúnque enciclopedia si podará rigiavâ notíciis su l'òrigine, il significât de's stemis che son nassudis cu-la civiltât e cu-la scritûre, in principi ideogrâfiche, e che han vûd il plui gran svilùp ai tîmps dal feudalismo, de' cava-lerie, dai torneos, de's giostris e de's crosadis. Il chebar o scarabeu dai Egiciâns, il ciâf di Minerve de Grèce, il fasc cu-lis bachetis e la manârie di Rome, la crôs di diviarsis formis (latine, greche, di S. Andree ecèt.), la miezelune nò son altri che stemis che indichin, a cui che nò-l sa lèi, di ce che si trate e a cui che 'l-apartèn l'ogèt che al puarte chest segno convençionâl mnemonich, che al salte subit ta-l vòli áncie a distanze.

Lis stemis han servît par indicâ soredût la famee nòbil a cui 'l-apartignive il campión che al partecipave a lis giostris, ma áncie il Stât, lá citât, une congregaçion eclesiástiche, une associaçion láiche o comerciâl. Lis societâc di navigaçion e' indichin i lôr bastimènc cun speciâl bandiere o cu-l tenzi in mûd particolâr i camíns. In passât i segnos distintívs jerin su-lis velis. Se lis monedis e i bòi di lètare o fiscâi vessin la steme dal Stât nò ocoraressin altris indicaçions infûr dal valôr. In passât lis monedis e i bòi dal Stât Pontifiçi vevin la steme cu-lis clâvs di S. Pieri. Cumò invece si è crodût di presentâ l'effigie dal Pape seguínd la mode áncie da part di cheste istituçion eminentementri conservatrice.

A Bologne lis ciasis colònichis e lis caroçis padronâls puartin la steme de famee titulade, e lis torçis che si mandin daûr dai funerâi son ispiradis in un cartòn o in une bande su-la quâl 'j-è piturade a colôrs la steme de famee.

Tai nestris païs la steme si piture sui banchs de glèsie riservâc ai conç. Nò si dismentee la steme sui portòns dai palâç, né su-lis tombis dai cimiteris. In èpochis in cui chêi che savevin lèi jerin pòs, ches-c segnos servivin al scopo di indicâ il proprietari ai ileterâc.

L'istèss si disi de's livreis. Fin a nestri ricuârd si distinguevin i fantîns che corevin in zardín par i diferènc colôrs dal vistît e de barete. Cumò si tachin invecit numars. La squasi scomparse da-l-analfabetismo nus fâs plui banâi. Nel timp in cui i cavalîrs che giostravin si ricognoscevin de steme, che jere rapresentade su-l scûd, sicome nò jere tant ben cognossude la tècniche di dâ di colôr al len o al metâl, par fâ plui prest si tacavin semplicementri su-l scûd blechs di stoffe di diviârs colôrs o lamis di metâl e tochs di piêl cu-l pêl di dife-rènc animâi. La denominaçion di *piece*, *fasce*, *bande*, *scovèt*, *ôr*, ecet., che si conservin anciemò in aráldiche, e' derivin chest costûm.

Il 'vê une steme 'l-ere privilegio de's personis e fameis distintis. I nòbii dal passât jerin une vore gelôs dal lôr titul, e' ta-l manoscrit di componimènc furlâns dal nobil Gabr. Pacían di Cividât (1700-'86) si lein diviarsis poesiis a bote e rispueste a proposit di un nobil di gnove creaçion, viodût cun ripugnançe e ostilitât dai titolâc di antiche date.

Si stime tant plui la nobiltât quânt plui jè di orìgine antiche. Ma si podarèss osservâ che cu-i sucessîvs imbastardimènc (spess dovûc a infedeltât coniugâl) dal sangh del capostîpîte, che al si è uadagnât il titul onorifich 'te's crosadis, probabilmèntri nò-l-esist plui nance un fregul, mentri di chê altre bande la famee par sei stade da sècui (in quânt a costûms educaçion, riservateçe), separade

dal popul bass o de plebe, ha acquistât un trat fin e distînt, che 'l-è diventât une seconde nature, e mediânt matrimonis fra titolâç si è formade une caste fine e scielte, distinte de înt basse e de borghesie. Par contrari chêi che son nòbii da pôch timp, 'l-è plui facil che conservin 'ta-l sangh alch dal capostîpîte che l'ha meretât la nobiltât cu-l valôr, cu-la fedeltât, cu-l sacrifici. In altris perâulis, 'l-è plui probabil che vedin alch dal sangh primitiv i atuâi Napoleונים, Petrovic, Obrenovic, Karageorgevic, Magente che nò i Orleâns, i Borbòns, i d'Este, i Colone, i Corsini, i Borghès ecèt.

'Te's stemis de èpoche plui florènt de cavalerie, in cui i tîtui nobiliârs si otignivin cu-l valôr e cun açions generosis, si distinguin *piecis* o disposiçion di colôrs onorèvolis da altris che son di vergonze o di disonôr. Lis stemis plui sêmplicis son plui antighis o primitivis, chês plui complicadis, in cui si rapresente l'ogèt che plui o manco ben al risulte da l'etimologie popolâr dal cognòn, son creâç in tîmps modernos, e a' han manco valôr.

La nobiltât furlane di date manco antiche si base su un decrèt di un guviârstituît par esem. la Repùbliche Vènète o l'Impero Austriach. 'L-è almanco curiôs che un gnûv guviâr al ricognosci decrèt di Stâç che nò esistin plui o nobiltât conseguidis magari combatînd cuintri il Stât che l'ha racòlte l'ereditât di chel vinçût. Quindi forsit e' son plui tal vèr chêi Stâç che, come la Svîçare, nò ricognoscin nè nobiltât nè conferiscin onorificençis. Nò-altris nò podîn dâ a l'arâldiche che un valôr folchloristich. 'L-è po' di jûst che chêi che uelin conservâ il tîtul e' pain une tasse discrete se nò altri a benefici de Consulte Arâldiche. Bisugne infin considerâ che il

desideri di distîngui-si cun-t-ûn tîtul al va a braçeto cu-lis condiçions econòmichis flòridis, cu-la culture e cu-la salût fîsiche buine de persone che si interesse di chest, insumis cu-la vanitât e prosperitât.

Un ch'al-è diventât siôr e che 'l-ha morbin al tirarâ fûr il tîtul che il pari vècio, in cariole e lât in malore, al varâ mitût di bande vergonzand-si. Par un gnûv arichît che lu brami, une de's tantis agençis arâldichis fondadis par speculaçion e quindi nuje afât scrupolosis, ciatarân fûr indubiamentri une steme rigiavade da un omònimo o creade di çonte fûr e magari a' fabricarân un documènt par dimostrâ une parentele che nò esist.

Lis fameis nòbilis dal Friûl Venet e Guriçân son a centenârs, e chês che nò han discendènç atuâi e' son miârs.

A une circolâr mandade in Fevrâr da-l-an passât a dutis lis fameis nòbilis furlanis han rispuindût nome chês di cui publichin la steme. Si viôd che fra nò nò-l-è interessamènt nance su chest pont e nò-nd-è che sein disponûç a fâ il plui pîcul sacrifici par chest scopo, benchè a sein diviârs che, sintin-si dâ un tîtul onorifich, e' tetin e al pâr che si sglonfin. Cun pòs franchs, se un bièl numar al vess rispuindût, varessin vudis dutis lis stemis dei compâgns di caste de Pâtrie, litografadis cun diligençe. Invece se uelin viodi la figure di une steme dovarân consultâ l'**Enciclopedia Nobiliare Italiana** di Spreti de quâl son saltâç fûr quatri volûms che costin pôch manco di 200 franchs l'un e spietâ che saltin fûr altris 3 - 4 volûms che ocòrin ancimò par completâ l'òpare. A la riproduçion de's stemis di fameis viventis varèss tignût daûr chês des fameis estintis.

'Vin fat ce che 'vin podût, ma quàn che il publich nò-l si interesse 'l-è dut inutil. Grâçis a chêi che rispuinderin.

Al-è saltât fûr in Setembar il libri di 750 páginis dal titul:

BIBLIOTECHE DE L' ARCHIVI, N. 1

Gnovis vilotis e variânc di chês publicadis 'tal Tesáur - consideraçóns su-la Uere Mondîâl e su-l Friûl sot la talpe todes-ce.

Ediziòn di 80 esemplârs cun cuviartine ilustrade; pa-i sôl abonâç da-l-Archivi

PRESI 18 FRANCHS

Eco un estrât da l-indiç alfabetich generâl:

Alfabèt universâl, 689 - Amutinamênc, decimaçions, fusilaçions, 493 - Armamênc pre e post belichs, 679 - Assicuraçion cuintri la violaçion dai cunfins, 669 - Aventuris di ciaçadòrs, 374 - Bandiere ladine, 732 - Bastârç di uere, 198 - Belançe comerciâl dal Friûl, 719 - Cadorne e lis messis, 332 - Calvari de's minorancis, 503 - Câtadre di ladín a Ginevre, 706 - Censure a Milán sot l'Áustrie, 645 - Ciampanis, 182 - Ciarte etnográfiche dal' Italie Orientâl, 718 - Colpe de Intese pe' continuaçion de uere dopo la fin dal 1916, 678 - Corágio e moralitât sessuâl, 320 - La cort dal Suprêm a Udin, 348 - Cost di un redênt autentic, 650 - Critichis a la grafie uficiâl, 697 - Cronologie de Uere, 602, 624 - Dans dipendênc dal profughismo, 480 - Dirít di asilo, 321 - Disertòrs, 381, 495 - L'idee antiladine is-e inòcue? 712 - Divertimênc a gratis, 270 - Ducât dal Friûl, 468 - Eleçions al parlamênt supernaçionâl, 676 - Esemplis di societâç supernaçionâls, 675 - Esercit internaçionâl di socòrs, 606 - Fiis di genitòrs di diferênt naçionalitât, 668 - La Filològiche in pene, 741 - Il Friûl nò-l baste plui a sè stêss, 724 - Generâi che nò cognossin il terênc, 500 - Gnove disposiçion de's vilotis, 122, 739 - Grafie esperantiste, 698 - Idee panladine, 549, 709 - Ilegitims di pâs manco funès-c di chêi di uere, 554 - Impuestis che al pae il Friûl, 720 - Insolênçe dai judiç, 577 - Ipocrisie in Rome papâl, 202 - Ladinie ôasi di bonaçe in miêç da-l montafin, 716 - Lavòrs istrutivs 't-es scuelis, 157 - Esperanto di Dante, 708 - Maghis e stròlighis, 507 - Manciançe di un plan di ritirade, 296 - Miedis e pront socòrs, 665 - Orígene dal k, 687 - Ostracismo dal furlân, 642 - Par nò lassâ finí lis ciasadis, 408 - Passade la pôre, passât l'entusiasmo pa-i soldatíns, 597 - Patriarcât di Aquilee restaurât, 733 - Piárditis ireparábilis dal Friûl, 653 - Plastichs dal Friûl, 237 - Poesie umane di Zardini, 344 - Poligamie e poliandrie, 559 - Popolaçion anesse a l'Italie distinte par lenghe, 649 - Prepotençis soldateschis in Dalmácie, 501 - Providence dei Mericáns, 627 - Prodeçis di Marinetti, 553 - Provedimênc par mantigní i zovins ai studis superiòrs, 418 - Puárt ladín, 682 - Puint dal Diaul, 653 - Requisitòrie cuintri Cadorne, 333 - Riabilitaçion dai carcerâç, 225 - Sentinele de Pátrie, 411 - Sorenòns, 202 - Universitât ladine, 730.

La preparaçion di chest volúm ha fat sospindi chê da l'Archivi. Seguirán altris volúms de stesse Biblioteche pa-i sôî abonâç de riviste :

Leterature populâr proibide.

Il quatri Novembar ~ Drame naçionâl in 5 ats.

'Ta-l Archivi jè stade publicade in doi sfueis une gran ciarte topografiche dal Friûl a la s-ciale 1 a 100.000 (un centímetro par chilòmetro) che contèn dutis lis indicaçions prálichis che coventin al turiste e a l'om di afârs : Stradis, alteçis di país, numar dai abitânc, superfîcie dai Comúns, capolúghs di circondari, mandamènt, Común. Comúns soprimûç, sede di duc i ufîçis e istituçions aministrativis, pulitichis, judiciáriis, sanitaris, di públiche beneficence, scolástichis, eclesiástichis ecèt. Patrono de's vilis, date de's sagris, fiestis folchlorístichis.

L'Aministraçion da-'l-Archivi - Udin, Place Vitòrio Em. 9 A

(Cont corint postâl 8-69) — 'e vend :

Pátrie Ladine	Vol. I. pag. 280 di cui 40 a stampe e ilustradis	Fr. 12
" "	Vol. II. Prospettive delle Industrie turistiche nel Friuli, pag. 998	" 27
" "	Vol. III. L'Atlante linguistico italiano con un saggio di atlante emiliano - romagnolo di quasi 100 carte, pag. 112	" 6

Ediçion in autografie di 80 còpiis. - I tre volúms nò si vendin separatamentri

Tesáur de lenghe furlane - 5 fascíui in quârt di fisse autografie pag. 826. Da pag. 552 a pag. 783 si han 4493 vilotis furlanis cu-lis variânc.

'Ta-l'òpare son comprindudis 16 páginis di músiche furlane incise che contegnin composiçions di Zardín e di altris, il Stroligh furlán di Zorút pa-l 1921, un fasciculút di 72 páginis in cui si confronte il vocabolari furlán con chel dal provençâl, une ciarte geografiche dal Friûl a la s-ciale di 1 : 200.000 di un metro par 0.76, e une linguístiche di dute la Ladinie a la s-ciale di 1 : 600.000.

Presi complessív franchs 57. — Ediçion di 80 còpiis. — I fascíui nò si vendin separâç.

Sentimenti ed affetti nella poesia popolare friulana - 2 fascíui a stampe Fr. 6

Gerènt responsabil A. Tilín

Stabilimènt Tipo-Litografich **BEPO TABÀCH** — Sandenèl dal Friûl